

## PAIPEARAN A BHARRACHD A DH'FHEUMAR NUAIR A THATHAR A' TOIRT RABHADH PÒSAIDH

Thàinig riaghailtean ùra in-imriche a-steach airson pòsadh san Rìoghachd Aonaichte (UK) air 1 Gearran 2005. Feumaidh daoine a tha a' pòsadh air no an dèidh an là sin dearbhadh a thoirt seachad gu bheil iad air coinneachadh ri feumalachdan in-imriche no dearbhadh a thoirt seachad mun nàiseantachd aca **a thuilleadh** air pàipearan riatanach eile a tha air an ainmeachadh sa bhileag "Pòsadh ann an Alba".

### Daoine fo Smachd Riaghailtean In-imriche

Feumaidh duine sam bith fo smachd riaghailtean in-imriche coinneachadh ri aon a-mach à trì de na feumalachdan in-imriche a leanas:

- 1 Feumar bhiosa ceart no cead inntigidh mar neach gealladh-pòsaidh no neach-tadhail pòsaidh
- 2 Feumar Teisteanas Ceadachaidh Oifis na Dùthcha
- 3 Feumar inbhe stèidhichte san Rìoghachd Aonaichte

Feumaidh dearbhadh gun deach coinneachadh ri na feumalachdan sin a bhith air an cur chun an Neach-clàraidh an uair a tha thu a' cur nam foirmichean rabhadh pòsaidh a-steach.

Airson an tuilleadh fiosrachaidh faic an leabhran "A' pòsadh ann am Breatainn" a chaidh a sgaoileadh le Oifis na Dùthcha.

### Daoine nach eil fo Smachd Riaghailtean In-imriche

Ma 's e saoranach à Breatainn a th' annad, nàiseanta de dhùthaich de Cheàrn Eaconamach na h-Eòrpa no ma tha teisteanas agad de chòraichean a tha a' dearbhadh gun urrainn dhut fuireach san Rìoghachd Aonaichte, chan eil na riaghailtean ùra a' toirt buaidh ort. **Ach, feumaidh tu fianais a thoirt seachad den nàiseantachd agad don neach-clàraidh mus fhaod am pòsadh a dhol air adhart.**

### Saoranaich à Breatainn

Ma rugadh tu san Rìoghachd Aonaichte **ro 1 Faoilleach 1983**, bithear den bheachd gun d' fhuair thu teisteanas saoranachd gu nàdarra agus bidh do theisteanas breith na dhearbhadh iomchaidh ded nàiseantachd.

Ma rugadh tu san Rìoghachd Aonaichte **an dèidh 1 Faoilleach 1983**, bidh an nàiseantachd agad a rèir inbhe nàiseantachd no inbhe in-imriche do phàrantan aig àm do bhreith. 'S e an dòigh as fhasa dearbhadh gur e Saoranach Breatannach a tha annad a bhith a' sealltainn cead-siubhal slàn Breatannach. Mur eil cead-siubhal slàn Breatannach agad, feumar dearbhadh air inbhe in-imriche no inbhe nàiseantachd aon de do phàrantan, me teisteanas breith na Rìoghachd Aonaichte aig do phàrant. Mur robh do phàrantan pòsta an uair a rugadh tu, bithear a' gabhail do nàiseantachd bho do mhàthair, mar sin feumar

teisteanas breith do mhàthar bhon Rìoghachd Aonaichte. Ma bha do phàrantan pòsta an uair a rugadh tu, faodar an nàiseantachd a thoirt bho pàrant sam bith, agus nì teisteanas breith an dàrna pàrant bhon Rìoghachd Aonaichte a' chùis. Ach ma tha thu airson a bhith an urra ri inbhe in-imriche no inbhe nàiseantachd d' athar (mar eisimpleir far nach eil do mhàthair na Breatannach) feumaidh tu cuideachd dearbhadh gu bheil do phàrantan pòsta. Mur eil e comasach dhut inbhe in-imriche no inbhe nàiseantachd do phàrantan a dhearbhadh san dòigh seo, bu chòir dhut fios a chur gu Buidheann Nàiseantachd Oifis na Dùthcha (fòn 0845 010 5200) airson comhairle.

Ma chaidh do bhreith taobh a-muigh na Rìoghachd Aonaichte agus gu bheil thu nad Shaoranach Breatannach, feumaidh tu sealltainn teisteanas clàraidh/nàdarrachaidh no cead-siubhal Breatannach slàn.

#### Nàiseantaich a' Cheàrn Eaconamach na h-Eòrpa (EEA)

Ma 's e nàiseantach a th' annad bho aon de stàitean an EEA gu h-ìosal (no An Eilbheis), feumaidh an neach-clàraidh do chead-siubhal fhaicinn.

An Ostair	An Ungair	Nirribhidh
A' Bheilg	Innis Tìle	A' Phòlainn
Ciopras	Èirinn	A' Phortagail
Poblachd nan Seacach	An Eadailt	Slobhaigia
An Danmhairc	An Laitbhe	Sloibhinia
Eastònia	Liechtenstein	An Spàinn
Suòmaidh	Liotuàinia	An t-Suain
An Fhraing	Lugsamburg	An Eilbheis
A' Ghearmailt	Malta	An Rìoghachd Aonaichte
A' Ghrèig	An Òlaind	